



Fela'ua'iga Aukilani Tagata Fesoasoani i Pasi

O le a aveesea e le Fela'ua'iga a Aukilani se pa pupuni iloga mo pasese e lē atoatoa le malosi o le tino o loo manana'o e faaaogā auala o feoa'iga lautele i Aukilani.

E ala i le 'Tagata Fesoasoani i Pasi' o le a mafai ai e le tagata fesoasoani a se pasese o loo umia le card Total Mobility ona ti'eti'e i se Pasi o Fela'ua'iga a Aukilani e aunoa ma se pasese e totogiina, pe a la malaga faatasi.

E mafai ona eseese tagata e avea ma Tagata Fesoasoani i Pasi mo malaga ta'itasi. E mafai ona faaaogā soo se tasi e finagalo iai le tagata o loo umia le card Total Mobility – se paaga faaipoipo poo se paaga, tauaiga, uō, se tasi o le fanau poo se tagata faigaluega tausima'i. E mafai foi ona ese se tagata e faaaogā mo malaga ta'itasi.

Na faapea mai le Pule Faatonu Lē Tumau o Fela'ua'iga a Aukilani o Mark Lambert, o le faalauiloaina o le 'Tagata Fesoasoani i Pasi' mo tagata o loo umia Card o le Total Mobility o le a fesoasoani ai i le faitau afe o tagata Aukilani ina ia lagona le mautinoa e faaaogā se tasi o pasi a le AT lea e silia ma le 10,000 auaunaga femalagaa'i a pasi e ofoina i aso ta'itasi.

Na galulue vavalalata le Fela'ua'iga a Aukilani ma vaega faufautua mo tagata e lē atoatoa le malosi o le tino e faaauala atu i le Public Transport Accessibility Group (PTAG) ina ua atia'e le Faatagana o le Tagata Fesoasoani i Pasi ma le fuafuaina o le tatalaina.

Ua faapea mai se tagata o le vaega a le PTAG o Vivian Naylor (Tama'ita'i) o lenei taulagalaga o le a iai se faaleleiga aogā mo tagata e le'i iai muamua le lagona mautinoa e malaga ai i se pasi. “E ala i le Tagata Fesoasoani o le a iai ni suiga tetele mo tagata e le'i ti'eti'e muamua lava i se pasi, ona o mafuaaga eseese, atonu ona o le lē mautinoa i se mea e ono tupu. O le faimalaga i pasi o le a iai se suiga tele e maua ai avanoa fou e maimoa solo ai i Tamaki Makaurau,” o lana tala lea.

E faapefea ona fai?

- E mana'omia ona iai se AT Total Mobility Card ina ia maua le faatagana e faaaogā ai
- Pe a aga'i i luga o le pasi AT se tagata e umiaina se card AT Total Mobility, faailoa i le avepasi o le tagata o loo la ō faatasi o lana 'Tagata Fesoasoani'.



- Ona tuuina atu lea e le avepasi se pepa ulufale i le tagata 'Plus One' lea e leai se pasese e totofia.
- O lena pepa ulufale e mana'omia ona faaali pe a talosagaina.

Pe faigofie ona faaaogā pasi a le AT?

- E mafai ona faaaogā atoatoa pasi uma a le AT e fogāfale lua poo pasi fou fo'i. E mafai ona tuutuu i lalo le fasitepu pe faalautele atu foi, ma e faia faasilasilaga i le sipika faaleotele leo i le pasi atoa pe a latalata i le isi nofoaga o le a tu ai le pasi.
- O loo iai lava isi pasi tuai o loo faaaogāina, ae ona o le pumo'omo'o o totonu, e faigata ai ona o i totonu ni nofoa faataavalevale uila lapopo'a.
- Afai e te fia siakiina le pasi e faigofie ona aga'i i totonu mo le auala o loo e fia aga'i iai, faamolemole vili le AT i le 09 366 6400

O le ā le AT Total Mobility Card?

- O loo faailoa atu i lalo foliga o le card. O tagata o loo umia 'card tuai lanu meamata' e mana'omia ona apalai mo se tasi o nei card fou, ina ia mafai ona maua le faatagana e faaaogā ai le Tagata Fesoasoani i Pasi.
- O le Total Mobility Card o se polokalame mo le atunuu atoa e lagolagoina tagata e faatapulaa auala e femalagaa'i ai.
- E mafai ona maua nisi faamatalaga pe talosaga foi i lenei link: [Total Mobility scheme \(at.govt.nz\)](https://at.govt.nz)



E mafai e tagata ona faauu uma soo se fesili

i le AT i le 09 366 6400

pe faaauuala atu foi i le [New Zealand Relay Services \(nzrelay.co.nz\)](https://nzrelay.co.nz)